



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 9. Religiosus vitet commercium Sæcularium.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

Christi jugo submissum, vinculis se subiciat barbarorum. Non Eglon Rex Moab; Judic. 3. 17. 21. sub sua te ditione possideat; sed tecum simul Aoth illius inopinato pugione confodiat. Nec Agag Rex Amalec cum tereno Israel. 1. Reg. 15. 14. sub suo te imperio comprimatur; sed cum Samuel te per artus in frustra concidat. Non te destructor ille Jerusalem, 4. Reg. 25. 10. deleat: qui, quoniam illecebrarum suggerit oblectamenta carnalium, super coquos habere dicitur principatum. Id. ep. 24. ad quendam Monachum.

§. VII.

Religiosus magna spernens, non vincatur minoribus.

Converte gladium tuum in locum suum. Matth. 26. 25. S. Leo serm. 6. de Pass. superfluum erat, ut, qui volebat praesidio angelicarum virtutum juvari, vellet se unius Discipuli oppositione defendi. Fugiamus & nos, qui magnalia Mundi abnegavimus, de parvis consolationem querere, qui plenas mentis abiecerimus, ad micam anhelare. Baeza t. 1. l. 1. c. 11. §. 12.

Cum cognovisset, quia venturi essent, ut raperent eum, & facerent eum Regem; fugit iterum in montem ipse solus. Joan. 6. 15. Expende, quod à populorum regno fugiens, etiam à Discipulis fugit, & solus abiit. Cur & Discipulis relinquit? Nec videretur paucorum ducatu teneri, qui populorum regnum tam facile dimittit. Foedum est, si magna reliquiti, illigari parvulis, & frivolis: qui ignitas diaboli excussit sagittas, cedere fulgentibus Mundi scintillis. Id. t. 2. l. 6. c. 5. §. 15.

Videte vosmetipsos, ne perdati qua operati estis; sed ut mercedem plenam accipiat. 2. Joan. 8. Fervor noster, ut hedera Jonæ, ideò maturè crescit; ut, quò festiviùs Jonæ recreaverit amoenitate foliorum, eò durius illum ad mortem usque cruciet; in lucis ortu miserum passus occasum. Nimirum gigantes nascimur, & vivimus pusiones. Meridiem expandimus in aurora, noctem meridiei invecuturi. Quis Monachorum non exultavit ut gigas ad currendam viam? Ps. 18. 6. prorsus à summo calo egressio ejus. At, ubi carceres excefferit, non unus in medio stadio oblitus bravii obrigescit in lapidem &c. Oliva l. 4. Strom. §. Videte vosmetipsos. Vide hinc plura.

Abstine à servo DEI tale inquinamentum, ut patientia, majoribus tentationibus preparata, in frivolis excidat. Tertull. l. de patientia.

Nullus magis illicita vitare debet, quam qui respuit quod licebat. S. Caesar. Arel. hom. 16.

Multi in Religione non pubescunt, medià licet ætate: quòd reculis opacati ad frugem coqui non possint. Doleo, tantillis nos rebus à consecutione summi boni disturbari. Ut gigas, non molà, sed lapide. 1. Reg. 17. 50. at simulachrum Babylonicum non monte, sed

lapillo, Dan. 2. 34. conciderunt: ità maxima minimis everuntur: qui fluminibus innatant, stillicidiò pereunt. Oliva l. 6. Stromat. §. Jam hyems transiit.

Ego sanè vix ullum in Monasteriis novi, qui præcipua, & essentialia Religionis, non ultro subeat. Pater dimittitur, patria deseritur, patrimonium abdicatur, purpuræ valedicitur, vota Deo litantur: at minima non facile, aut abdicantur, si placent; aut, si desipiunt, tolerantur. Purpuram nolumus; sed lacernam odimus: fastidimus palatia; sed angulos horremus. Nullus non Hebræorum mare transiit; Jordanem verò non omnes transiire. Num. 32. 5. Id. l. 10. Strom. §. Hoc sentite in vobis &c.

§. VIII.

Religiosus non amet Sæculum, Cognatos &c.

Ecce sagittæ intra te sunt, - tu veni ad me &c. 1. Reg. 20. 22. dicebat Jonathas ad David. Si intus sagittæ; si Dei amor recludit te in cellula; nec affectio ad Sæculum trahit; *pax tibi est securitas*, atque signum electionis. At si *ultra te sunt*: si affectio tua ad propinquorum obsequium, ô Religiose, exierit & ad Sæculum; *dimisit te Dominus*, Eschobar tr. 3. Coll. Chr. l. 6. obf. 2.

Expoliari me tunicâ &c. Cant. 5. 3. Tunica occupationes hujus Sæculi figuratè denuntiat. V. Beda hinc.

Vos estis sal terræ. Matth. 5. 13. Sal extrahi maris aquâ, & congelatâ solis calore, fit. Ità Monachi, qui ex Mundo erepti, orationis calore in salem convertuntur. Si autem salem in mare projeceris, dissolvetur in aquam. Ità Monachus, in monasterio factus sal; si iterum Mundum ingreditur, & cum secularibus conversatur; Mundanus fit, ut antè fuit. Stella in Luc. 2.

Quemadmodum vincula, & catenæ, aquilæ; ità & Monacho sollicitudines Mundi. S. Ephrem Paran. 50.

Quemadmodum turpe est, virum, ætate provectum, in cinere, aut pulvere, confidentem, puerilia describere: ità turpe, imò longè turpius est, eos, qui de rebus æternis perfrueendis deberent esse solliciti, in rerum terrenarum pulvere volutari; & studiorum turpitudine professionis suæ foedare perfectionem. S. Nilus lib. ascet.

Monachus pauper, est tanquàm aquila in sublime volans: quæ tunc ad escam se dimittit, cum urget necessitas. Id. or. 3. de avarit.

§. IX.

Religiosus vitet commercium Secularium.

Vir Dei venit ad me, habens vultum angelicum; terribilis nimis. Judic. 13. 6. ait mater Samsonis ad virum suum. Ubi autem secundum ejus annuntiavit adventum; ait: *ecce apparuit mihi vir, quem antè videram.* v. 10. Ecce quomodo imminuta est auctoritas sapius redeuntis ad mulierem: primâ vice *vir Dei* Angelo propior, quàm homi-

ni, vocatur, in secundo adventu *vir* tantum dicitur. Si tertio apparuisset; timeo, ne spectrum vocaretur. Si semel mulieri apparueris, vir Dei, & Angelus Domini, habebis: si sapius compareas, vix homo habebis. Adeo nihil non vile est, quod frequens & obvium, est. Oliva l. 10. Strom. §. Vir Dei.

Exultavit in gaudio infans in utero. Luc. 1. 44. In toto Evangelio nullibi legitur S. Joannes exultasse; nisi in ventre matris inclusus. Religiosus extra cubiculum, & monasterium, non exultet, & leviter letetur. Diez. conc. 2. in Visit. B. V.

Venit in omnem regionem Jordanis. Luc. 3. 3. Fugiamus civitatum, & vicorum, celebritates: ut, qui in civitatibus, & civis, habitant, ad nos concurrant. Amemus solitudines: ut, qui nos in praesentia fugiunt, ad nos pelliciamus. Joannes quidem Baptista in solitudine versabatur; & civitates ipse cum hominibus ad eum confluxebant. S. Nilus lib. ascet.

Errat, Pater, errat, qui confidit se simul & Monachum esse, & curiae deservire. Quam male meretur, qui Monachorum praesumit claustra deferere, ut Mundi valeat militiam bajulare. Undis erutus sanus est piscis, non ut sibi vivat, sed ut alios pascat. Vocatur, attrahimur; sed ut alios pascat. Vocatur, attrahimur; sed ut vivamus aliis, moriamur nobis. Amat venator cervum; sed ut sibi faciat cibum: persequitur capras, lepuseculos insectatur; sed ut ipsi bene sit, illa nihil sint. Ament & homines nos; sed non nobis, sibi met diligunt; in suas nos vertere delicias concupiscunt. B. Petrus Dam. l. 2. ep. 17. ad Desiderium Abb.

Apud Saeculares Religiosus quisque; veluti pictura est: pictura siquidem, si procul assistat, in hianter, & cum aviditate prospicitur; si juxta sit, contemptibilis judicatur. B. Petrus Dam. opusc. 12. c. 26.

§. X.

Religiosi mali.

Fugit Adonibesc: quem persecuti comprehenderunt; cassis summitatibus manuum ejus, ac pedum. Judic. 1. 6. Adonibesc interpretatur dominator egestatis. Et Prov. 10. 4. dicitur: *egestatem operatur a est manus remissa*, id est, pigra. Reges dicuntur viri Religiosi, juxta illud Eccl. 48. 8. *qui ungis reges & poenitentiam*, Religiosi deberent quidem se, & alios, regere, per vitam, & doctrinam: sed aliqui habent manus, & pedes, amputatos per acediam. S. Bonaventura Diet. Sal. c. 7. de Acedia.

Multitudo sonitus aquarum, vocem deriderunt nubes. Ps. 76. 18. Nihil mitius nubi- bus, nihil delicatius, nihil mollius. Verum, quae aquam, roremque; terris blandè instillant; ut coeperint inter se collidi, ignes vomunt, fulgetra pariunt, mortem parant, fulmina ei aculantur. Quis credat? adolefcunt inter rores flammæ; undarumque; fulminumque; eadem sunt cana. Nimirum nulla discordia feralior, quam piorum. Ex aquis conflatae nubes, si secum ipsae luctentur, flammæ evomunt, & fulmina. Quantum terroris è sinu quam blando prodit! Quid tam frigidum, quam flix, & ferrum? si verò concurrant, flammæ edunt. Ex Angelis

Polyanth. Sacra Tom. II.

dæmones; ex Ecclesia hæreses; Judas ex Apostolis; ex manna vermes; ex pane vitæ mortis præjudicium: denique ex optimis pessima emergere solent; ut coeperint depravari. Olivat. 2. Strom. §. Multitudo sonitus &c.

Bonum est Sal. Luc. 14. 34. Sal vulnus acerbatur; sed sanat: carni integræ non nocet. Sic correptio molesta non probo, sed improbo. Stella hic.

Dixit ergo unus ex Discipulis ejus. Joan. 12. 4. In Marco 14. 4. leguntur Discipuli communiter murmurasse, & dixisse: *ut quid perditio ista?* Sed major quantitas non excludit minorem. Et consuetudo Scripturæ est, in id & usus loquentium; ut toti communitati, vel Societati, ascribatur, quod à parte ejus emittitur. Dion. Carth. hic.

Quomodo difficile sum expertus meliores, quam qui in Monasteriis profecerunt; ita non sum expertus peiores, quam qui in Monasterio ceciderunt. S. August. ep. 137.

Illud velim, nè ignores: rugam unam tibi turpiorem esse; quam maxima, vulnera iis, qui in Mundo vivunt. Neque enim tam notabilem, ac conspicuum in fordidis; quam in puris unius coloris vestibus, labes aliqua foeditatem habet. S. Gregor. Naz. orat. de fuco.

Vidit Jacob in scala angelos descendentes, & ascendentes. Gen. 28. 12. Nunquid stantem quempiam, sive sedentem? - aut ascendas, necesse est, aut descendas. Si attentas stare, ruas necesse est. Minime pro certo est bonus, qui melior esse non vult. Et ubi incipis nolle fieri melior; ibi etiam desinis esse bonus. S. Bernardus ep. 91.

Expediit ei, si quis est, qui scandala suscitavit in hac domo; in hac sancta, Deo placita; & Angelis ejus admodum gratâ, ac familiarî congregatione; *ut suspendatur in collo ejus mola asinaria*: &c. pro suavi jugo, ac levi onere Salvatoris; gravi mole terrenæ cupiditatis humeris ejus impositâ, demergatur in profundum maris hujus; quod est sine dubio sæculum nequam. S. Bernardus l. 2. in festo S. Michaelis.

Si forte aliquorum negligentia ad perfectionem non assurgit; ipsi viderint, quid excusationis possint asserere: quoniam Apostolicam omnes nos vitam professi sumus. Apostolicæ professioni nomina dedimus universi. S. Bernardus l. quomodo voluntas nostra divina &c. Monachi, qui habent de Religione, præter solum habitum; sunt sicut tunica Josephi sine corpore. Gen. 37. 33. *Tunica filij mei est; sed fera pessima devoravit eum.* Et sicut simulachrum David sine eo. 1. Reg. 19. 13. Et sicut linteamina sine corpore JESU. Joan. 20. 5. B. Humbertus l. 18. ad Monachos nigros.

Religiosus indevorus, juxta panem moritur fame, juxta fontem moritur siti, juxta ignem moritur frigore. Sicut, quando vinum proclamatur in villa, per vinum, quod potatur in scypho, judicat homo de toto vino, quod est in dolio: Sic Mundus per consa-

Bb bb

versâ